

Ejemplar de Archivo

JA KOJ K'IN JA SANIK

andr s cholot o/
d sir e iturbide

universidad rafael land var
instituto de ling stica



JA KOJ K'IN JA SANIK

texto:

andr  s cholot  o/

ilustraciones:

d  sir  e iturbide

universidad rafael land  var
instituto de ling  stica
guatemala, 1990

JA KOJ K'IN JA SANIK

unidades de trabajo
de la zona

texto
de la zona



JAR AK'AAL

Jutiij xtajqel jun ak'aal pa yo'oj way.
Ja k'a rikiil ja xuk'am eel rxin ja pa nik'aaj
q'iij jari' ja kalt'o.

Ja k'ar ak'aal xuk'ameel ja way, toq
xopon chuxee' jun chee' xumaj ri'jiik rpaan
ja rikiil. Toq xuk'iseel xb'e chik jutiij.



Ja k'a toq xopon b'aar nsamaj wi' ja rtata' xsik'ij poon, k'in xuya ja way tre, chaqajaa' ja rikiil.

Ja k'a tatixeel xutz'et qaaj ja rikiil xa majuun rpaan, xa k'a rumajk ari' xk'axaaj tre ja ralkwaal. Naq' tre ma k'o ta rpaan ja rikiil ri? Ja k'ar ak'aal xb'ij tre ja rtata':

Tata'e jar inin' xa xinpa'j pa taq ab'aj pa b'eey, ma xinkow'in ta xinmolto' ja rpaan ja rikiil, xa ruyoon ja kalt'o xinkowini xinmolto', ne'e', jar ak'aal tre jar tata'.





JA XPEQ JA NRAJO' NXIK'ANI

K'o jutij jun xpeq ja qas k'o rqana
nxik'ani, qas ta nrajo' nutz'at ja naquun k'o,
chwach'uleew.

k'o k'a jutij qas nka'y chikaaj, toq
xutz'at jun k'uch nxik'an chikaaj, ja jaa'
nuch'ob qaaj.

—Naq nb'an k'awa', nwajo' ninxik'ani —
ne' qaaj toq xutz'at ja k'uch.

Komo nerutz'at ja chikop qas utz nkeb'an
toq nexikani, k'in nketz'ato' nojeel ja k'o
chwach'uleew.



Toq k'a kewil kil' ruk'iin ja k'uch ja xpeq
xb'ij tre ja k'uch.

—Inin qas k'o niq'ana ninxik'ani jani' nab'an
atat, piki jar atat qas utz nab'an k'in chaqa
najik.

Ja k'a k'uch xb'ij tre ja xpeq.

—Qas k'o niqana natnuk'ameel, xer wari' ma
kin kowini', piki xa ti nuyoon, xer wari' nb'ij
china' tre jun wachb'iil utz k'a ninruto' in nat
qak'ameel chikaaj.

—Utz k'ari' —ne'e ja xpeq.

K'aj k'ari' ja xpeq xumaj ch'ob'ooj naq
xtib'aj tre toq xtijotb'ax chikaaj kumaal ja k'uch,
ja k'uch rmajoon kononeem tre chik jun rachb'il;
ja k'a xpeq rmajoon ch'ob'ooj.

K'aj k'ari' ja k'uch toq xerila' ja rachb'iil.

—Qato'o paqe qii', qak'amael paqe jun
xpeq chikaaj —ne'e.

—Utz k'a —ne'e ja jun k'uch chik.

—Ja xtiqab'an tre toq xtiqak'meel ja
xpeq atat tat nachapeel jun rutza'm ja chee'

Ja k'ar lnln nchap el chik ja jun rutza'm k'ln
nqajupb'a'el ja xpeq chlrlj ne'e ja jun k'uch chik
tre ja juun.

K'aj k'ari' xeb'e ruk'iin ja xpeq, toq xo'opon
ruk'in, kib'ij tre chi nkek'ameel.

—Utz k'ari' —ne'e ja xpeq.


—Katjupe'el k'a —ne'xi.

—Ma kinkowini' ninjupe'el triij ja chee' le'
piki nintzajqeel o wi nintzajk, toq xik'aneem chik
neb'an ixix —ne'e chike.

—Naq tre k'a ma tawajo' chik kamiik
—ne'xi.

—Wotaq chik naq xtinb'an, nkayayajelna
ja chee' —ne'e chike.





—Utz k'ari' —neche'e.

K'aj k'ari' xeb'e, kemaj xik'aneem toq k'a e k'o chik chikaaj, najt chik e k'o wi' toq xb'ij qaaj.

—Naq ma k'a b'ini chi kewari' nb'ajn chwe, ja nch'ob'oon inin nya' nuxiik, pro ma kertari' b'ajn chwe —ne' qaaj.

K'aj k'ari' xumaj chik jutij ch'ab'ooj.

—Nk'axaaj na k'a chike naq ch'ob'o chike chi kewa' nkeb'an chwe —ne' qaaj.

K'aj k'ari', xb'ij chike ja xuch'ob'.

—Naq ch'ob'o chwe chi kewa' neb'an chwe —ne'e, mariil b'itaj rmal toq xsoq'opij kaan ja chee' ja rkayayeen, komo xujak ja pa ruchii', in Xtzajkto, k'a chwach'uleew xur tzab'atzo' qaaj wi', kari' xub'an xkami.



JA CHORISO

K'o jutij jun tak'aal xtajqeel rmaal rutee' pa loq'oj choriso. Ja k'ar ak'aal xb'e nij nikomuluj ja rub'ii' ja b'ixeel tre rmaal ja rutee' toq b'enaq.

Toq b'enaq rmajoon rb'i'xiik, Choriso, choriso. Pa b'eey xerutz'et ak'alaa' nijini' ne'ejtz'ani ja k'a jaa' xumaj tz'aneem kuk'iin, rumajk k'ari' xmes-taajqaaj ja binel tre. Toq xopon pa tienda ma turqaj chik tre naq rub'ii' ja nerlaq'o' matkowin chik nk'utujpoon ja b'inel tre. Ja k'a rajaw ja tienda xk'axaaj tre jar ak'aal:

—Naq nawajo'?

Ja k'ar ak'aal xb'ij tre ja rajaaw ja tienda

—Xa ximestaaj ja b'in pi chwe.

Ja k'a rajaw ja tienda xb'ij tre.

—Askol b'in pi chawe?

—Mani' —ne'e jar ak'aal.

—Atz'aam, mani', saqmo'l, mani.

Ja k'a rajaw ja tienda xpi ryewal. K'aj k'ari' xb'ij tre jar ak'aal.

—Ak'aal jat pa chorlso

Ja k'ar ak'aal xb'lj tre ja rajaw ja tlenda.

—A jarl' ja nwajo' —ne'e jar ak'aal.



JA KOJ IN JA SANIK

K'o jun ti sanik k'o pa juyu' in rb'anoon jun ti rujuul b'akii' nk'e' wi k'iil. K'o k'a jutii' xqa'x jun koj pa rwi' ja ti rujuul, in xuyo kaan. Toq xutz'at jawari ja ti sanik xb'ij tre ja koj:

—Tab'ana' chik jutii' ja ti nujuul.

Ja k'a k'oj xb'ij tre.

—B'akii' k'o wi' ja ta juul matintz'at.

Ja ti sanik xb'ij tre ja koj.

—Ja rawaqan ayo'oon pa rwi' ja ti nujuul in xayooj.

Qas nb'isoni ja ti sanik piki ma k'o chi ta ti rujuul, ja k'a k'oj rb'ij tre.

—Ma xintz'at ta ja rajuul.

Ja k'a ti sanik xb'ij chik tre ja koj.

—Tab'ana' chik juun alninaq.

Ja k'a koj xb'ij tre chi ma kan ta, piki qas ti no'y.

Ja k'a ti sanik xb'ij tre:

—Wi ma xtab'an ta ja nujuul nqab'an jun ch'o'ooj wawe ri'.

Xumaj tze'b'eneem ja koj, xb'ij tre ja ti sanik:

—Ma kinkowini' nb'an ch'a'ooj awk'iin ja qas at tino'y.

Ja ti sanik qas ryewaal xb'ij tre chi qab'ana ja ch'a'ooj in xb'ij tre: natwayb'eej chwaaq.



Ja k'a koj xb'lj:

—Wi kerl' nawajo utz k'arl' ne'e.

Xerumol konojeel ja chikop ja k'anl' bajlam,
aq juyu' paar, utliw.

Ja k'a ti sanik xerumol konojeel taq kaab',
wanan in julee' chik. Konojeel ja taq chikop
xkiwawaj kii' trij konojeel ja rxaq taq chee' ja
b'akii' nb'aj wi' ja ch'a'ooj, xa ruyoon ja ti sanik
xb'e chi k'ujliik ja koj.

Toq xoponi' ja koj kachb'iil ja jule' taq
chikop chik, xkik'axaaj tre ja ti sanik:

B'akii' e k'o wi' jar awachb'iil?



Ja k'a ti sanik xb'ij chike:

Qab'ana' ja ch'a'ooj!

Xeyaktaji ja erachb'iil ja ti sanik.

Ja k'a nimaq taq chikop toq xki k'axaaj chi xepeti' ja taq no'y taq chikop conq'ana nkeb'an xeaajmajeel; cheb'i kerì' keb'an xechononi' ja rchab'il ja ti sanik. Piki ja ti sanik xuch'ob: ja koj xerucha' jule' rchab'iil, ja k'a ranin ja wachib'iil nexik'an chakaaj, xa rumajk ari' ch'akoni'.



JAR ACHI'I' K'IN JAK'UCH

Nkib'ij winaq k'o jun achi'i' nsamaj pa ruleew jaa', toq xutz'at xpit jun k'uch xpe' pa rwi' jun chee' ja k'o chwach jaa'. Jar achi'i' xb'iij.

—Qas ki'iil ja k'uch ma tisamaji' ja nch'ak b'eej rwaay.

Ja toq xk'axaaj ja k'uch kawa' xk'ul b'a ri'.

—Wi nawajo', natok k'uch ja k'ar inin ninok achi'i'.

—Utz k'a ri' —ne'e' jar achi'i'— q'anij ajninaq xupo' rii' chi k'uch ja k'a k'uch xupo' rii' chi achi'i'.

—Xarwa ri' nb'ij kan chawe ja toq xkatwa'i xakatjote' pa rwi' jun chee' in ta tz'ata' b'akii' nejwi' sib', in kerii' xb'iij ja k'uch tre jar achi'i'.

K'aj k'ari' xeb'e':

Xub'an ja ora ke jar achi'i' nb'e chi ro-chooch, toq xoponi ruk'iin ja rxijayiil.

—Qas taqan k'o chik ruxla' awiij, kamiik nchomina' ayaa' piki natatini.



K'aj k'a ri' jar achi'i' xatini.
Xarwa ri' jar ixoq xumaj ch'ob'ooj naq tre
qas nrapara' ruq'a' jar achi'i' toq natini,
ma xar ta ari' chaqajaa' ma xel ta ja
ruxlaa'.

Chi kawq'iij xb'e chik pa rsamaaj
toq xoponi, xerila' jar achi'i' ja
xupo' rii' chi k'uch. Kawa' xb'ij
tre ri':

—Tasacha' numajk ja
xinyariij ja xinok k'uch xa
rumajk qas in sajqoor. Kamiik
nwajo' ninsamaji ma
kinsajq'orin chik.





Chaqa jaa' nmalti'oxiij chawe', tri xintz'a wi' chi ma utz ta natsajqorini, ta k'a iwiir ma k'o ta xintij.

Ma xin kowinta ta xintij piki qas chuw ja ke-waay ja k'uch, xa rumaj ari' ma xintij ta ne'e ja taa', utz k'a ri' ne'e' ja qatziiij chi k'uch.

Toq xopon chi rochoch xb'ij tre jar rxjayiil naq ja xub'an.



CH'OB'OOJ

Naq rwach k'ari', konojel nekowini nkejaq,
xer wari' ma jun chik nkowini ntz'ajpiij?




Naq k'ari', nub'an tre ja winaq chi nutij
poqon xer wari' ja jaa' qas utz nuna' ruk'iin ja
rrikiil?




Naq rwach k'arl' ti seteslk, ma lk' ta, ma way ta, k'o juun chipaan ja ti tzilj, ko'll ka'i' chipaan ja koyopa.

Ko'li
Koyopa


Naq rwach, nk'atzini chi natzij jun kandela?



Inin k'o ti nwi', choqajaa' q'axnaq nink'atzini,
xer wari' chaqab'a ta ninch'aqix kan wi'. Naq
nwach?



Naq rwach k'ari', pa q'iij nutij ti'ij ja k'a
chaqa' nujaqaqaj pa ruchii'?



Naq rwach k'ari', k'o rixkin, xer warl' ma rxin
ta na k'axaaj. Cho rxin nach'ob' wi'?



RTZOJB'AL WUJ

Ja kitzojb'al, ja kib'anoon, ja naquun ja q'axnaq ja pa taq qochooch, pa taq qatinamit ja roq mayaab' winaqii' ja roq k'o chwach ja nim laj tinamit Guatemala, jun nim laj sijpanik ja kyaa'oon kaan ja qatee' qataa' chaqe.

Ja je'ee' e tikonaq kaan ja utz laj na'ooj, utz laj taq naquun chike ja kime'aal ki k'ajool. Teb'ana' k'a utz tre ja pejnaq chipan ja tanaaj ri'.

Ja winaq ja maj mayaab' ta. Ja aj na'ooj, aj tz'ib'aa' taq winaq ja ma e qawinaqil ta, kimalon kii' pa rwi' ja samaaj ri', utz k'a xtik'uj ta chikewach jar ak'alaa' ja rb'ixii' rtzijoxiich ja rb'ajniin ja taq cholomem ri' utz k'a ma tikimes taaj.

Jawari' neruto jar ak'alaa' chi roj taqixiik ja ka'i' tzojb'al ja nya' chike jar ak'alaa' mayaab' ja pa taq tijob'al utz k'a xtik'e' ta chi kewach ja "Ojer taq tzijoneem, ojer choloj tziiij". Ja taq wuuj ri' jawa' jar eb'anon kan ojer chipan ja q'olaj rwach'lee jar e k'o chipaan ja tinamit Guatemala. Ja wuuj ri' ja k'ajaa' b'anitaj pi chik ri', xtoksax ta k'a kumall jar ak'alaa' ja e k'o pa najtijaal.

Ja taq wuuj ja k'ajaa' b'ajpi chik ri', b'anoon to kiji' tanaaj tre. Ja rb'ajniik ja tamaa' taq wuuj, b'enaq chiriiij ja rjunaa' jar ak'a'aal. Ja tzojb'al ja tz'utujil ja b'e chi paan ja wuuj ri', ma ruyo' ta rxin jun tinamit, jawa' ja nak'axaaj nojel tinamit, ja b'akii' nb'ajn wawa' tzojb'al ri'.

Ja pa k'isb'al ruxaaq nawil wi' ja taq tziiij ja ma katkowini nasik'iij o wi ma katkowini neqaj chawach naq nb'iij chipaan ja tanaaj taq wuuj.

Ja wuuj ri' xtzur rb'ajniik malti'ox chike ja winaq keya' ja to'oneem tre ja paq, ja rub'ii' ja xto'oni jari' jar Agencia para el desarrollo Internacional rxin ja jun nim laj tinamit Estados Unidos. Xa k'a rumajk ari' nqamalti'oxii' chike.

Colección "Lirica y narrativa tradicional de Guatemala", 33

Serie Tz'utujil, 1. Primer Nivel

Directora de la colección: *Guillermina Herrera Peña*

Directora de recopilación: *Julia Becker Richards*

Editor: *Moris Polanco Barrera*

Recopilación y transcripción: *Andrés Cholotío*

Ilustración: *Désirée Iturbide*

Diagramación: *Margarita Ramírez*

Levantado de Texto: *Jeannette Ordoñez Muñoz*

© 1990 Universidad Rafael Landívar, Guatemala

Ja wuuj ri' k'o ojeer taq tzij rk'amoonto rxiin ja tinamit tz'utujil. Utz nkoji ja wuuj ri', tre nab'ey taq junaa' rxiin ja tijoneem chi paan jar atijaal.

K'o chik julee' rcholajil:

Ja k'uch k'in ja xpeq (nivel 1)

Ja keej k'in ja xpeq (nivel 2)

Jar umul k'in jar utiww (nivel 2)

Ja jun alaa' xupo' rii' chi' jun tz'unum (nivel 3)

